



IKUGA FONO

**FONO FAKAMUA
23 Me 2022
Nukunonu**

	MATAKUPU	PAHINA
1.	Fakaaloakiaga/Takutinoga a na Hui Fono Fakamua Fou	3
2.	Fakaaloakiaga/Takutinoga o te Takitaki Fono ma te Hui Takitaki Fono mo te Fono Fakamua	3
3.	Iloiloga o te Paketi Tupe 2021 – 2022	3 – 4
4.	Lipoti a te Ulu Fakatonu - Fehoahoaniga a Niu Hila e lagolago ai te fakamaeakekega o na tautuaga tau Ola Malolo a Tokelau – Ulu Fakatonu	4
5.	Lipoti a te Ulu Fakatonu ki te fakamautuuga o na tautuaga vakalele ki na Poloketi a Tokelau – Ulu Fakatonu	4 – 5
6.	Lipoti a te Ulu Fakatonu agai ki te Polokalame mo te fakafougia ma te fakalauefaga o te Malohiaga Fakatenatula – Ulu Fakatonu	5 – 6
7.	Lipoti a te Ulu Fakatonu agai ki te Polokalame mo te Tologa o te Gataifale o Tokelau – Ulu Fakatonu	6
8.	Lipoti a te Ulu Fakatonu – Fehoahoaniga a Niu Hila ke fakamaeakeke te Tulafono ma na Fakamahinoga ma Tautuaga a Leoleo - Ulu Fakatonu	6 – 7
9.	Lipoti a te Ulu Fakatonu – Talohaga ke kavea ia Leoleo o Tokelau ma hui tumau o te Fakalapotopotoga o Fakauluuluga o Leoleo o te Pahefika	7
10.	Kikilaga Fakalotofale a Tokelau mo hana Faigamalo	7 - 8
11.	Lipoti o na Galuega mahani a te Malo	8
12.	Fakafeiloakiga o te Pule Fakahoa (Polynesian & French Pacific Division), Ofiha o te Va ki Fafu ma Fefakatauakiga a te Malo o Niu Hila	8
13.	Avanoa mo ni ietahi matakupu taua a na nuku	8

1. FAKAALOAKIAGA/TAKUTINOVA A NA HUI FONOVAKAMUA FOU

Ko te mamalu o te Fono Fakamua na:

matau:

- i. na takutinoga a na Hui Fono Fakamua fou:
 1. Hui Pulenuku (Atafu) – Hui mamalu Nouata Tufoua
 2. Hui Taupulega (Fakaofu) – Hui mamalu Puka Solomona

2. FAKAALOAKIAGA/TAKUTINOVA O TE TAKITAKI FONOVAKAMUA

Ko te mamalu o te Fono Fakamua na:

matau ma aloakia:

- i. te fakatū a te Taupulega Nukunonu e tuha ai ma te Takitaki Fono ma te Hui Takitaki Fono mo te Fono Fakamua fakatahi ai ma a laua takutinoga:
 1. Takitaki Fono, Hui mamalu Falaniko Aloisio
 2. Hui Takitaki Fono, Hui mamalu Tumua Pasilio

3. ILOILOVA O TE PAKETI TUPE 2021 - 2022

Ko te mamalu o te Fono Fakamua na:

matau:

- i. te Iloiloga o te Paketi Tupe 2021 – 2022;
- ii. ke iei he kikilaga ki te Fakahekega ma te ta tutuha o na avanoa akoakoga ki Tokelau.
- iii. na teuteuga ki te Paketi Tupe 2021 – 2022, e veia ona takua atu i lalo:
 - a. Fakatau ni afi moli e 3. Na malilie kiei i te Fono Fakamua kua teka kae ko te fakavahegaga kiei o he paketi na tuku ke fakatino i te fonotaga tenei. Ko na tau ienei (e tuha pe he \$350,000) e oputia ki te fakatupega mo na galuega lalahi i te atunuku (*national capital development*).
 - b. Fakaheke he \$150,000 mai te paketi mo te hikimi hikolahipi ki te paketi a te Mataeke o Akoakoga mo te Polokalame *Education Pathways*.
 - c. Fakatupega fakaopopo \$300,000 mo te Hikimi Tauale Hikitia ma na galuega mo te toe fakafoki ifo i te vaitaimi na fakafuaheki ai te famai COVID
 - d. Fakaopopo he \$150,000 mo na tau fakaauau o te famai COVID
 - e. Fakatagaga mo te MV Mataliki ke malaga ki Niuhila mo na hiakiga ma fakaleleiga e manakomia. E hē matau pe fia tonu he fakatupega e manakomia kae ko he galuega pito hili ona taua ke fakataunuku.
- iv. ko te aofaki o na teuteuga e fautuaga e \$800,000 fakaopopo ai kiei na tau ko heki mautinoa mo te hiakiga ma te fakaleleiga o te MV Mataliki. Ko na

tau kua fakamatea e \$800,000 e fakatupe i na hikitaga ki te tupe maua e ve ona fautuagia;

- v. ko iei te paleni feoloolo o te Paketi mo galuega lalahi ko heki fakavahega ki atiakega patino e ono avanoa mo na tau mo te MV Mataliki kafai e manakomia. E opotia na vaega ienei i na pepa mo te Paketi 2022/2023.

malilie:

- i. ki na teuteuga ki te Paketi mo na vaega taua e ve ona takua atu i luga;
- ii. ke fakatupe na vaega kua fakamatea e \$800,000 te aofaki ke fakatupe mai i na hikitaga e fuafuagia mo te tupe maua;
- iii. ko na tau e puna mai i te galuega mo te MV Mataliki ke toe ahia i te Paketi Tupe 2022/2023 kae mo te taimi nei, ke fakatupe mai te paketi mo atiakega lalahi i te atunuku;
- iv. ke ologatahi ia Tokelau, ko te \$150,000 Koviti, ke aofia ai na falemai e 3 i ni meafaigaluega e manakomia. Ke tuku atu ki te Komiti Koviti Atunuku fakatahi ai ma na fautuaga a te Mataeke o te Ola Malolo mo ni meafaigaluega mo na falemai e 3, mo na tapenapenaga ma te puipuiga o Tokelau mai te Koviti, manu e tuku atu ki te mamalu o na Taupulega mo he latou matauga;
- v. ke iei he kikilaga ki te matakupu o te Fakahekega i te Fono Fakamua ka hohoko, mo te fakatelega o tenei matakupu fakatahi ai ma na fakatupega e manakomia.

4. LIPOTI A TE ULU FAKATONU – FEHOAHOANIGA A NIU HILA E LAGOLAGO AI TE FAKAMAKEKEGA O NA TAUTUAGA TAU OLA MALOLO A TOKELAU – Ulu Fakatonu

Ko te mamalu o te Fono Fakamua na:

matau:

- i. te Lipoti ma te folahaga a te Ulu Fakatonu, e tuha ai ma na fehoahoaniga a Niu Hila, e lagolago ai te fakamahekega o na tautuaga tau Ola Malolo a Tokelau.

pahia:

- i. te Lipoti o te Iloiloga o na tautuaga falemai i Tokelau ma te Hikimi Hikiga Tauale fakatahi ai ma te Faufautua Ola Malolo, ke galulue fakatahi ma te Mataeke o te Ola Malolo.

5. LIPOTI A TE ULU FAKATONU KI TE FAKAMAUTUUGA O NA TAUTUAGA VAKALELE KI NA POLOKETI A TOKELAU - Ulu Fakatonu

Ko te mamalu o te Fono Fakamua na:

matau:

- i. te Lipoti ma te folahaga a te Ulu Fakatonu ki te fakamautuga o na tautuaga vakalele ki na poloketi a Tokelau;

- ii. e \$2.5m kua pahia e Niu Hila mo te fakaataataga o te Poloketi;
- iii. e iei te Komiti Fakafoe mo tenei Poloketi ma kua iei a latou fonotaga e fakatino;
- iv. ke fakatino vave loa tenei Poloketi;
- v. kafai e iei he fakahetonu ki te koga mo te malae vakalele, ke vave fakailoa ki na Taupulega;
- vi. ko he polokalame taua tenei, ma ko tatou kua i te vaega muamua o te fakahologa o te poloketi tenei;
- vii. kua feoloolo he taimi e fano ki te tukutonuga o na Tulafono e fefaiaki ai tenei galuega ma e manakomia ni fakamatalaga e lahi mo tenei Poloketi.
- viii. te tulaga matemate mo te agai ki mua o te fehoahoaniga tau tupe e manakomia, e feoloolo te vaega tupe e manakomia, e manakomia ai te pahiaga a te Kapineta a Niu Hila.
- ix. te fiafia lahi ki na lagona o Tokelau, ke iei hana fehoahoaniga ki tenei polokalame, kae he mafai ke tuku atu he ata manino ona ko te poloketi koi tau kamata;
- x. te he lava o te fakahoa a Tokelau ma ko te lahiga o te fakatupega mo te poloketi ka fakatupe e Niu Hila.

talía:

- i. te pepa;
- ii. ke iei he ahiahiga ki te koga ke mafai ai fakaauau te poloketi ma ko te kauhaga e fakatino e latou ka kui atu i te Komiti o te Koviti ma na Taupulega mo he fakatagaga;
- iii. e lagolago e Tokelau na fautuaga filifilia ma e hogahoga ke faihao ki na fakatupega kafai te vaega o te fauga kua talía.

6. LIPOTI A TE ULU FAKATONU AGAI KI TE POLOKALAME MO TE FAKAFOUGIA MA TE FAKALAUFEFAGA O TE MALOHIAGA FAKATENATULA – Ulu Fakatonu

Ko te mamalu o te Fono Fakamua na:

matau:

- i. te Lipoti ma te folahaga a te Ulu Fakatonu agai ki te Polokalame mo te fakafougia ma te fakalauefaga o te Malohiaga fakatenatula;
- ii. te fakafetai ki te Ulu Fakatonu e tuha ai ma tenei polokalame;
- iii. ke kikila ki he faiga ke toe fakaauau ai tenei polokalame ona e tatau lava ke fakauma tenei polokalame, ona kua leva te moemiti ki ei o na tamana e tuha ai ma te fakahetonu o te Paoa i te taimi nei;
- iv. ke kaumai he talohaga ki na Taupulega, kafai he kauhaga e fia malaga mai ke fakatino tenei polokalame taua;
- v. ke talohaga ki te Palemia kui atu i te Ulu Fakatonu, ki he avanoa mo he Manuao ke kaumai ai na ma ki Tokelau;
- vi. ke fai na vaega e tatau ona fakatino i te pito a Niu Hila, kae talitali atu na tamana i ni vaega e manakomia ai ni fehoahoaniga;
- vii. pe iei he Komiti Fakapitoa ke taupulepule ma tauologologo te tulaga o tenei Polokalame;
- viii. ke iei he kikilaga ki na Kamuta i luga o na fenua takitahi, ke fakatino e latou te galuega, i lalo o te onoonoga ma te kikilaga a he tino fakapitoa mai

fafo kui i te neti, ke fakafaigofie ai te galuega, kae ke mafai ke fakatino loa tenei Poloketi taua.

- ix. ke iei he matauga ki na koloa kua leva te i luga o fenua, ei na pa ki he tulaga fakahetonu, kafai e tuai te fakatinoga o tenei polokalame.

talia:

- i. talia te pepa.

7. LIPOTI A TE ULU FAKATONU AGAI KI TE POLOKALAME MO TE TOLOGA O TE GATAIFALE O TOKELAU – Ulu Fakatonu

Ko te mamalu o te Fono Fakamua na:

matau:

- i. te Lipoti ma te folahaga a te Ulu Fakatonu agai ki te Polokalame mo te tologa o te gataifale o Tokelau;
- ii. te taua o tenei atiakega ma nae matau foki te tuku mai a he hui mamalu, ki na fakamuamuaga o na galuega atiake a na nuku;
- iii. e 4 ia fale e takua i te Lipoti (2 i Fakaofu, kae takitahi i Nukunonu ma Atafu);
- iv. te taua ke iei he tahi fale mo Nukunonu (Motuhaga) ona ko te taimi o na fakalavelave fakafuaheki, e mata e ono afaina ai te auala hima;
- v. te fakaleleiga e manakomia mo te uafu i Atafu;

talia:

- i. he \$4.1m mai na fakatupega mo na huiga ki te tau mo te auala hima i Nukunonu;
- ii. na ata kamata kua tuhituhia mo na fale laveaki i na nuku e tolu;
- iii. te fautuaga ke faifai malie na galuega mo te puipuiga o te gatai fale.

8. LIPOTI A TE ULU FAKATONU – FEHOAHOANIGA A NIU HILA KE FAKAMAHEKE TE TULAFONO MA NA FAKAMAHINOGA MA TAUTUAGA A LEOLEO – Ulu Fakatonu

Ko te mamalu o te Fono Fakamua na:

matau:

- i. te Lipoti ma te folahaga a te Ulu Fakatonu e tuha ai ma te fehoahoaniga a Niu Hila, ke fakamaheke te Tulafono ma na Fakamahinoga ma Tautuaga a Leoleo;
- ii. te fakafetai ki te Ulu Fakatonu e tuha ai ma tana folahaga, kae nae iei na vaega nae tulave ai ona ko te he manino ma te he matau katoa, kae maihe te Kulupu Pulepule e fakatu mai i te pepa ona e taua i na tamana, ko na hui mai Niu Hila e tatau ona maina ma manino i na nofonofoga ma na aganuku a Tokelau;
- iii. mo te fakamahekega o te pito a te Malo Fakaauau, ke mautinoa e tauhi tonu i te fakatinoga o na tonu fai, ona nae iei te koulua tonu ke fakatele ni akoakoga mo te iloa ma te mafai, ma e he mautinoa pe kua i fea te Iuniti o te Tulafono;
- iv. e 3 ia nofonofoga i luga o Tokelau ma e amanaki lahi te Taupulega ke

- amanakia na nofonofoga;
- v. e iei na vaega e kehekehe ai na nofonofoga i luga o fenua, e manakomia ai te fakaaloologa e tuha ai ma te galuega ka fakatino;
 - vi. te taua lahi ke galulue fakatahi ma taugologolo i ni a ni vaega ka fakatino e te Komiti, ke taugologolo ia Tokelau ma Niu Hila;
 - vii. e heki lava he hao mo te Taupulega vena ma tagata nuku e tuha ai ma te Lipoti a Sir Ronald Young, e fakataua ai ia leo o tagata nuku ma ke nofo malamalama i ni huiga;

talia:

- i. te Lipoti, kae ke toe ahia na Taupulega e te Kauhaga o te Tulafono, ke fakamalamalama atili na fautuaga e takua i te Lipoti a Sir Ronald Young;
- ii. ke fakatalatalanoa haele tenei matakupu.

9. LIPOTI A TE ULU FAKATONU - TALOHAGA KE KAVEA IA LEOLEO O TOKELAU MA HUI TUMAU O TE FAKALAPOTOPOTOGA O FAKAULUULUGA O LEOLEO O TE PAHEFIKA – Ulu Fakatonu

Ko te mamalu o te Fono Fakamua na:

matau:

- i. te Lipoti ma te folahaga a te Ulu Fakatonu e tuha ai ma te talohaga ke kavea ia Leoleo o Tokelau ma hui tumau o te Fakalapotopotoga o Fakauluuluga o Leoleo o te Pahefika;
- ii. te fakafetai ki te Ulu Fakatonu e tuha ai ma tenei fehoahoaniga ki leoleo;
- iii. ko na nofonofoga ma te fakatatiaga o Leoleo e i lalo o te kikilaga a na Taupulega, pe vefea ona fakanofa ia Leoleo Fakamua o Tokelau, kui atu i te Fakalapotopotoga, e taua ke fakamanino, pe tataua ke veia ko te Ulu o Tokelau e tamilo;
- iv. manu e hau malama ke tukutonu ai ni vaega e fia tukutonu;
- v. ke tuku atu ki na Taupulega, ke iei ni tapenapenaga fakalotoifale manu foki la te tulaga o te Fakahekega, ke tuku mai ai ni lagona mo na Taupulega ona ko leoleo e i lalo o te kikilaga a na Taupulega;

talia:

- i. te tuhaga taki tauhaga e \$1,500 mo te kavea o Leoleo ma hui tumau o te Fakalapotopotoga o na Fakauluuluga o Leoleo o te Pahefika, ke tuku atu ki te Malo Fakaauau ke gafa ma te vaega tupe tenei;
- ii. ke kavea ia Leoleo o Tokelau ma hui tumau o te Fakalapotopotoga o na Fakauluuluga o Leoleo o te Pahefika.

10. KIKILAGA FAKALOTOFALE A TOKELAU MO HANA FAIGAMALO – Malo Fakaauau

Ko te mamalu o te Fono Fakamua na:

matau:

- i. te kautu o te pepa, e fakamahekeke atu ai ma hakili he pahiaa ke toe fakaolaola ko ia lagona o tagata nuku mo he filifiliga faigamalo;
- ii. ke fakatalanoa ia tagata nuku o Tokelau mo ni o latou mafauauga;
- iii. ke tapena mai he pepa e te Malo, ke mafai ai ke fakatalanoa te matakupu;

- iv. ke iei he kikilaga ke tofi he Komiti Fakapitoa, ke fakatele tenei matakupu;
- v. ke toe ahia na Taupulega i ni vaega e matau e ki latou e tuha ai ma te olo haele ki he faiga malo ma Tokelau;
- vi. pe mafai te Ulu o Tokelau ke Ulu mo he 3 tauhaga;
- vii. ke iloilo na vaega e talafeagai ke pa ia Tokelau ki tenei moemitiga mo hana faigamalo;
- viii. ki na nuku ke kamata talatalanoa ki te faigamalo e fofou ki ei;

malilie:

- i. ke toe fakaolaola ma toe fakatalanoa atili e Tokelau mo he filifiliga faigamalo i te agai atu ki te katoaga o te 100 tauhaga i lalo o te kikilaga a te Malo o Niu Hila.

11. LIPOTI O NA GALUEGA A TE MALO FAKAAUAU – Malo Fakaauau

Ko te mamalu o te Fono Fakamua na:

matau ma talia:

- i. te Lipoti o na Galuega Fakatino a te Malo Fakaauau.

12. FAKAFEILOAKIGA O TE PULE FAKAHOA, (POLYNESIAN & FRENCH PACIFIC DIVISION) I TE OFIHA O TE VA KI FAFO MA FEFAKATAUAKIGA A TE MALO O NIU HILA

Ko te mamalu o te Fono Fakamua na:

matau:

- i. te folahaga a Jane Coombs, te Pule Fakahoa o te Vaega Polinehia & Falani Pahefika, i te Ofiha o te Va ki Fafo ma Fefakatauakiga a te Malo o Niu Hila.

13. AVANOA MO IETAHI MATAKUPU TAUA A NA NUKU

Ko te mamalu o te Fono Fakamua na:

matau:

- i. te lahi o na matakupu taua na tapena mo te Fono Fakamua;

malilie:

- i. manu kua he mataloa he taimi e toe fakatino ai te tahi fonotaga mamalu a Tokelau, oi kua fakatalanoa ai na matakupu taua na tapena mo tenei fonotaga.

Ko na Ikuga Fono a te Fono Fakamua kua aloakia e hako ma ko ni fakamaumauga o na tonu fai a te Fono mamalu a Tokelau, i te aho 23 Me 2022, i Nukunonu.

Fakamaonia e te:

Takitaki Fono: 
.....
Hui mamalu Falaniko Aloisio

Aho: 21/5/22

ma te

Hui Takitaki Fono: 
.....
Hui mamalu Tumua Pasilio

Aho: 31 Me 22

HUI MAMALU O TE FONO FAKAMUA		
<p><u>Nukunomu</u></p> <ol style="list-style-type: none"> 1. Ulu o Tokelau, Afioga Faipule Siopili Perez 2. Afioga Pulenuku Lino Isaia 3. Afioga Alapati Peter Tavite 4. Afioga Peato Pelenato 5. Afioga Pita Fala Patelesio 6. Afioga Save Tumua 7. Afioga Lepeka Amato-Perez 8. Afioga Pio Tuia (Hauatea) 9. Afioga Iaseto Lui (Hauatea) <p><u>Takitaki Fono/Hui Takitaki Fono</u></p> <ol style="list-style-type: none"> 1. Falaniko Aloisio 2. Tumua Pasilio 	<p><u>Atafu</u></p> <ol style="list-style-type: none"> 1. Afioga Faipule Kelihiano Kalolo 2. Afioga Hui Pulenuku Nouata Tufoua 3. Afioga Doctor Sirila Enosa 4. Afioga Amusia Hakai 5. Afioga Stanley Lopa 6. Afioga Teloloma Paulo 7. Afioga Latu Lopa 8. Afioga Elia Mamoe (Hauatea) 9. Afioga Lepaio Simi (Hauatea) 	<p><u>Fakaofu</u></p> <ol style="list-style-type: none"> 1. Afioga Faipule Fofo Esera Tuisano 2. Afioga Pulenuku O'Tinielu Tu'umuli 3. Afioga Puka Solomona 4. Afioga Kaio Isaako 5. Afioga Aokuso Vavega 6. Afioga Tofiga Teao 7. Afioga Malia Tavita Pu'e 8. Afioga Sela Sophie Tyrell Saumani 9. Afioga Safiti Vavega (Taumatua/Hauatea) 10. Afioga Sio Sio (Hauatea)
KAUFAIGALUEGA TAITUA		
<p><u>Fakaofu</u></p> <p>Hina Kele Mete Kele Meseпа Tuisano Tavita Pue Heo Peleni Hipа Faasipa Lealofi Sasulu</p> <p><u>Mataeke o Malohiaga</u></p> <p>Alfred Kaukinayau</p> <p><u>Ofiha o te Komehina (TPSC)</u></p> <p>Amanda Tavita Teapua Tu'umuli</p> <p><u>Mataeke o Fagotaga</u></p> <p>Feleti Tulafono Luisa Naseri Sale</p>	<p><u>Nukunomu</u></p> <p>Pafelio Tumua Lui Tumua Selina Falaniko Telesia Kimi Ta'ase Sio Sefo Leo Patrick Tegei Lui Viliamu Ioapo Suliana Pahina Fale Pauga Afono Tionisio</p> <p><u>Mataeke o te Ola Malolo</u></p> <p>Rosa Toloa Barbara Tali Asenaca Kayau Nive Dave</p> <p><u>Ofiha Malo Fakaauau</u></p> <p>Tino Vitale So'o Kueva Apolima Tamoа Sione Fonua</p>	<p><u>Atafu</u></p> <p>Hana Kalolo Hana Hakai Ivoni Taupau Poasi Tuilotolava Timo Sirila Naniheni Taupau Nomani Tavita Timu Filo Wayne Etueni Hoana Taumanu Saniata Semisi</p> <p><u>Mataeke o Akoakoga</u></p> <p>Elaine Lameta</p> <p><u>Mataeke o te EDNRE</u></p> <p>Mika Perez</p> <p><u>Mataeke o te Tupe</u></p> <p>Rosita Mauai (neti) Alan Shaw (neti)</p>